



Xo`jaobod tumani XTMFMT  
va TE bo`limi tasarrufidagi  
5-umumta`lim maktabi  
boshlang`ich sinf o`qituvchisi  
Gavharoy Abdullayevaning

*21-mart Navro`z bayramiga bag`ishlab tuzgan tadbir ssenariysi*

*(Sahna bayramona tarzda bezatilgan)*

**“Assalom, Navro`z!”**

**Jarchi:-**Odamlar-u odamlar,

Zavq-u shavqqa hamdamlar.

Eshitmadim demanglar,

Eshitmasdan qolmanglar.

O`zimizning Navro`zni,

Navro`zi dilafro`zni

Shodon kutib olamiz,

Katta bayram qilamiz.Eh-e,he-he!

1- O`quvchi:

Bahor darakchisi – bodom gulladi qishlog`imizda.

2- O`quvchi:

Yurtim madhini bulbul kuyladi, qishlog`imizda.

3- O`quvchi:

Gulga burkanib, shodlikka to`ldi har bir xonadon.

4- O`quvchi:

Shoshqin suvlarga mahliyo bo`ldi mirishkor dehqon.

5- O`quvchi:

Bir-birin qutlar keksa-yosh bu kun, bari baxtiyor.

6- O`quvchi:

Dilga jo etdi bahor shukuhin, men sevgan bahor!

*(Davrada “Bahor valsı” yangraydi va boshlovchilar tashrif buyuradilar.)*

**1-boshlovchi:**

Bayramlarni sevamiz,

Bayramlar bizda bisyor.

Ezgu qalblar sevguvchi,

Yurtda hamisha bahor.

*(Davrada “Bahor valsı” yangraydi va boshlovchilar tashrif buyuradilar.)*

**2-boshlovchi:**

Assalom deganda ochilgay gullar,

Assalom deganda sayrar bulbullar.

Assalom deganda quyosh kuladi,

Dillarga ezgulik nuri singadi.

**1-boshlovchi:**

Assalom, davramizning siz aziz mehmonlari,

Assalom, ilm-u fanning sohibu davronlari.

Mo`tabar otaxon-u onaxonlar assalom!

Ko`zlarida kulgu balqqan bolajonlar assalom!

**Navbatdagi o`quvchi:**

Qaynaydi sumalaklar,

Atrofida malaklar.

Raqs tushadi tovlanib,

Qalblari olovlanib.

**Navbatdagi o`quvchi:**

Yangraydi jarang sozlar,

Bulut quchar dorbozlar.

Oldindan ogoh bo`ling,

Mustaqil keng maydonim.

**Navbatdagi o`quvchi:**

Polvonlarga to`lajak,

Zo`r tortishuv bo`lajak.

Gurullaydi olovlar,

Damlanadi palovlar.

**Navbatdagi o`quvchi:**

Qo`lda sochiq, obdasta,

Bitta qo`lda guldasta.

Mehmon kutadi, mehmon,

To`yboshi – O`zbekiston!

*Davrada o`g`il bolalar ijrosida “Shuginani-yo` qo`shig`i ijro etiladi.*

**Navbatdagi o`quvchi:**

Tinchlik bo`lsin dunyoda,

Olam gullarga to`lsin!

Biz kabi bolajonlar

Bog`larda o`ynab kulsin!

**Navbatdagi o`quvchi:**

Qizg`aldoq bargidek uchar dildan g`am,

Toshqinlar kiradi qalbimga manim.

Bahoring muborak bo`lsin ushbu dam,

Mening O`zbekiston-dilbar Vatanim!

**– Navbatdagi o`quvchi:**

Navro`z kabi yashnab yuring dugonalar, o`rtoqlar,

Ko`zin ochsin –do`stlik, mehr,ilm kabi buloqlar.

Qaytib kelsin kakku,sa`va, bulbullarning navosi,

Gulga to`lsin, xushbo`y bo`lsin o`lkamizning havosi.

**Navbatdagi o`quvchi:**

Yuring do`stlar, dugonalar

Keng olamga boqaylik.

Navro`z keldi tolbergakdan

Sochpopuklar taqaylik.

*Qizlar ijrosida “Atirgul” qo`shig`iga raqs ijro etiladi.*

**Navbatdagi o`quvchi:**

Sayli hurrmdir bugun,

Navro`zi olamdir bugun.

Qon-qarindosh,yor-u do`stlar

Ulfat-u jamdir bugun.

**Navbatdagi o`quvchi:**

Bahordan berding darak, oson bo`lmadi kutmak,  
Senga talpinar yurak, sevgan gulim boychechak,  
Boychechak, boychechak, sevgan gulim- boychechak.

**Navbatdagi o`quvchi:**

Seni ko`rdim bog`larda, baxmal adir, tog`larda,  
Yam-yashil o`tloqlarda sen husnga boy chechak,  
Boychechak, boychechak, sevgan gulim boychechak.

**Navbatdagi o`quvchi:**

Qizg`aldoqdek uchar dildan g`am,  
Toshqinlar kiradi qalbimga manim.  
Bahoring muborak bo`lsin ushbu dam,  
Mening O`zbekiston – dilbar Vatanim!

**Hamma:** Yurtim Navro`zing muborak bo`lsin!

**Navbatdagi o`quvchi:**

Assalom, o`zbekning milliy bayrami,  
Assalom, bahorning ulug` ayyomo,  
Assalom, ey Navro`z qilayin ta`zim,  
Gullagan bahorim o`zingsan doim.

**Davruga turli gullar siymosi kirib keladi.**

**Navbatdagi o`quvchi:**

Lola, lola, lolajon, o`sgan joying dalada,  
Lola, lola, lolajon, chidadingmu jalaga?  
Jala yoqsa qo`rqamading, sellar yoqsa qo`rqamading,  
Chiroyini ochay deb qizlar taqsa qo`rqamading.

**Navbatdagi o`quvchi:**

Keldi bahor, kuldi bahor,  
Bizlar bahor elchisi.  
Bizni bahor boshlab keldi.  
Gullar bahor kuychisi.

**Navbatdagi o`quvchi:**

Chuchmomaman, chuchmoma,  
Ochilaman siz uchun.  
Xushbo`y hidim taratib,  
Ko`zingizni yayratib.

**Navbatdagi o`quvchi:**

Men man go`zal binafsha,  
Go`zal bahor qiziman.  
Erta bahor ochilib dillarni yayratman,  
Bog`larni yashnataman.

**1-boshlovchi:**

Salqin saharlada,bodom gulida,  
Binafsha labida,yerlarda bahor.  
Qushlarning parvozi, yellarning nozi,  
Baxmal vodiylarda, qirlarda bahor.

**“Bahor”qo`shig`i ijro etiladi.**

**Navbatdagi o`quvchi:**

Bland aylab quyoshga poya navro`z,  
Ko`tardi yer yuzidan poya navro`z.  
Kelib fayz- u, nishon- u aysh birla,  
Muhayyo qildi elga poya navro`z.

**Navbatdagi o`quvchi:**

Yana ko`k toqida varrak dirillar,  
Cho`pon chaylasida gulhan gurillar,  
Binafshani ko`zga surtgan qarilar,  
Haq so`zingiz elga taborak bo`lsin,  
Navro`z ayyomingiz muborak bo`lsin!

**Raqs ijro etiladi.**

**Navbatdagi o`quvchi:**

Navro`z bayrami 3 ming yildan buyon nishonlab kelinmoqda. Bu ayyomdagi milliy urf-odatlarimizni eslabo`tmoqchimiz.

**Navbatdagi o`quvchi:**

Navro`zi olamda kimda-kim 3 qoshiq yalasa, yanagi Navro`z kelgunicha shirinchiilik,totuvlik hamisha hamroh bo`ladi.

**Navbatdagi o`quvchi:**

Navro`z kunlari bog`dagi o`rik daraxti shoxiga arg`imchoq solib,qizlar navbat bilan uchishadi.

**Navbatdagi o`quvchi:**

Kimda-kim arg`imchoq uchayotganda daraxtning eng baland uchidagi purchigan bargni uza olsa, jamiki orzulariga erishadi,degan gaplar ham bor.

**Navbatdagi o`quvchi:**

Aziz,do`stlar, keeling endi Navro`zning kelib chiqishiga to`xtalaylik.

**Navbatdagi o`quvchi:**

Qadim zamonlarda Sulaymon Ibn Dovud sehrli uzugini yo`qotib topib olgan kuni barcha eronliklarga qarata “Navro`z-omade,Navro`z –omade!” deb aytadi. Ya`ni, “Yangi kun muborak!”deb aytadi.Shu-shu Navro`z deb ataladi.

**Navbatdagi o`quvchi:**

Navro`z bayramida momolarimiz,qizlar va kelinchaklar o`zbeklarning milliy taomlaridan sumalak, halim, ko`k somsa, ko`k manti, turli pishiriqlar pishirib,Navro`z dasturxonini bezaydilar.Sumalak Bibi Fotimaning oshlari bo`lib, asli “sermalak” ,ya`ni “o`ttiz malak” degan ma`noni bildiradi.

**“Navro`z” qo`shig`i ijro etiladi. Kuy,qo`shiq va raqslar bilan tadbir davom etadi.**

